



UNIVERSITÄTS-
BIBLIOTHEK
PADERBORN

Universitätsbibliothek Paderborn

Candela Evangelica

Landsberg, Johannes Justus

[Köln], 1526

VD16 J 1187

Ad eximium uirum Iohanne[m] Dockem Phrisium, utriusq[ue] iuris
professorem.

urn:nbn:de:hbz:466:1-34415



Ad eximium uirum Iohannē Dockem
Phrisium, utriusq; iuris professorem.



SAEPENVMERO uir praestanti-
tissime atque doctissime, dum ipse me
cum expendo, quanta sit amicitiae uis,
quae tam dulciter alliciat, tam blande
suadeat, imperet tam potenter, tam
denique facile extorqueat, mirari desino, qui precum
assiduitate adeo me uiceris, ut quod alioqui uolebā mihi
me, à te cæterisq; amicis potuerit mihi persuaderi, uide
licet ut quae in scripta Luteranae farinae quaedam ad me
missa (quorum tamen autor hodieq; haud certe cognitus
est) annotaueram, aucta in lucubrationem maiorem, eti-
am prelo euulganda cõmitterem. Verebar iam pridē ne
immodicus inter nos amicitiae fauor, alioqui integerrimus,
utriq; nostrum imponeret, dum uel tibi nostra plus
iusto placerent, uel ipse tanti amici iudicio non satis tu-
tus fiderem, hoc est, in ea re citius quàm par esset morē
gererem. Quippe qui nihil minus instituerā, quàm hac
tempestate de nostra tenuitate in medium aliquid euul-
gare, dum tot interim eruditissimi uiri, qui in damnata
scribant hereticorum dogmata, supersint: quorum eru-
ditione iuxta ac augustissimi inuictissimiq; imperatoris
nostri Caesarea potestate propediem futurū speremus,
ut ecclesia tot dogmatum nunc factionibus scissa, cum
fidei, tum morum pietate unita refloreat. Itaq; cum sic

diu abnuissem, tecum tandem aliquot uiri doctissimi, &
qui nomine ecclesie de doctrinis inquirendi pronuntian
diq; habent auctoritatem, illuc suo me cum calculo, tum
hortatu perduxere, ut quam abscondere maluissem, in me
dium producerem candelam nostram euangelicam. Hunc
enim libello nostro titulum inscribendum duxi, propter-
ea quod septem obscuris erroribus Luteranae hereseos, *septem errores*
haud aliter ac septem noctibus interluceat, et fugatis in
de tenebris, ueritatem omnibus efficiat manifestam. Al-
ludit etiam quod cum ceterorum lucubrationes perin-
de ac sol, aut stelle radijs suis Luteranas tenebras pe-
netrent, obscuritatemq; propulsent omnem, nostro in-
genio, uel candelae nomen (ut ita dixerim) usurpandum
concedetur. Quod tamen (ne haud parum arrogasse no-
bis uideremur, quippe q mediocritatis nostrae nobis con-
scij sumus) nequaquam faceremus, nisi maiora ecclesie
lumina ita uoluissent: quandoquidem nonnihil mysterij
putant habere candelam, quod nostro queat libello ap-
plicari. Quare non absurdum fortasse fuerit, titulum sibi
hunc uindicasse. Quae admodum nanq; ex elychnio fit et
pinguedine, quod candelam uocant, ita libellus hic no- *litigium*
ster ut lectori luceat pariter ac ardeat, ueritate tanquam *pinguedine*
elychnio, & pietate tanquam pinguedine, constat. Veritate
quidem lucet: ut uero ardeat, etiam pietas pabulum ad-
ministrat. Quae duo si lector quoque quaesierit, sentiet sese
& illuminari, et accendi. Ceterum quae admodum apud
eum qui eget lumine, parum refert quomodo candela com-
posita sit, ornata nec ne, modo probe luceat: ita libellus
hic noster, quod impolitus, nec externo cultu est uenu-
status, parum mouebit lectorem, qui eruditionem quam

literaturam maluerit. Siquidem politioris linguæ qui so-
lam querit suauiloquentiam, habet alibi unde petat. No-
stri instituti fuerit lectorem reficere ueritate magis, q̄
uenustate: quippe quem reddere cupimus non latiniorē,
sed eruditiorē. Interim praestantiſſ. doctor, tuum erit
hanc nostram candelam, quæ aliquandiu tibi soli in cubi-
culo luxit abscondita, nunc uero tuo impulsu ut omnibus
luceat, profertur in medium, ab æmulis lucis defendere,
ab inuidorū laceratione propugnare, et à quorundā ma-
gis literatorum quàm doctorum fastidio tueri: qui quic-
quid politum non fuerit subsannant, lacerant, explodūt:
ac demum tantillum uigiliarum mearū boni consulere.
Ne aut ignores cum quo mihi pugna uersetur, iniquum
atque dolosum noctis aduersæ sibilum primo referam, de
inde Candele nostræ ubiq; fulgorem opponam. Igitur
iam hic arrige aures, et noctis umbrosæ sibilum, aut po-
tius in nocte obgānientis uulpeculæ stridorem ausculta.

